

Kyrkjeblad

FOR GLOPPEN PRESTEGJELD
NR. 3 - MAI 2012
42. ÅRGANG



Jesus er porten

Eg er porten. Den som går inn gjennom meg, skal bli frelst og fritt gå inn og ut og finne beite.

C. S. Lewis er ein av dei mest avhaldne kristne forfattarane i verda. Han har gitt ut ei rekke bøker der han på ulike måtar skildrar mange sider og fasettar i kristenlivet, og han har vist seg å vere ein glimrande forsvarar for den kristne trua i ei moderne verd.

Dei fleste kjenner han nok gjennom barnebøkene Narnia-krønikene. Desse bøkene er filmatiserte ei rekke gongar, og det er ikkje lenge sidan vi kunne sjå ein av filmane på norske kinoar.

Narnia-krønikene handlar om nokre born som lever under andre verdskrig. På grunn av at tyskarane bomba London, måtte borna flykte frå byen til landsbygda og bu hos ein nær slektning.

Hos denne slektningen, ein professor som budde åleine, finn dei eit magisk garderobeskap som fører dei inn i ei anna verd, eit anna rike, - Narnia. I denne magiske verda slepp borna frå alt grusomt og skräemande i samtida, og dei opplever utfordringar og eventyr.



I det verkelege livet veit vi at det ikkje er så lett å røme frå den verda vi lever i. Vi kan ofte drøyme oss bort og ønskje at vi var i ei magisk verd når når livet går oss i mot. Når vi opnar augo, er vi likevel den same, og livets realitetar slår imot oss. Vi kan ingen ting gjere for å bryte oss ut av den røyndomen vi lever i. Vi er dverre del av verda og er prega av destruktive krefter. Dødens skugge heng over oss alle.

Når Jesus seier at han er porten, talar han om at han har lagt ein ny veg som går ut over livets og verdens grenser. Han har gitt oss ein inngangsport til eit rike som ikkje er av denne verda, eit rike som gir fred frå det som er vondt og vanskeleg, eit rike fylt av Guds kjærleik og omsorg.

Det blei opna ei dør, eller eit garderobeskap om du vil, mellom Gud og menneske då Jesus stod opp frå dei døde. I lys av påskehøgtida som vi nettopp har vore inne i, kan vi glede oss fordi Jesus er denne porten. Han vann over dødskreftene, og i hans omsorgsfulle famn er vi alltid velkomne. Hos han er det alltid tilgang og fri passasje.

Cato

Nye kostar i redaksjonen

Kyrkjebladet i endring

Nye folk

Sidan årsskiftet har det vore arbeidd med å få på plass nye ordningar for Kyrkjeblad for Gloppe. Underskrivne vart spurd om å vere redaktør, og etter ein del tenking har eg sagt ja. Anders Rinde er komen inn frå staben. Det har vore slik at begge prestane har vore ein del av redaksjonen. Så lenge vi ikkje har prest i Breim, er det naturlig at Anders er med som no.

Etter at Kåre Holvik sa takk for seg, har Jorunn Eikenes lova å bli med. For Breim sokneråd har Jostein Flølo overteke for Jan Arve Strand, og frå dei to andre sokna vil dei "gamle" halde fram

ei stund til. Det vil kome breiare presentasjon av redaksjonen etter kvart.

Nytt format?

Redaktøren ønskjer meir plass og meir farge. Det formatet vi har no, kom på plass i min ungdom for 40 år sidan, og det kan vere forfriskande med noko nytt.

I våre dagar bør det gå an å trykke fargebilete kvar som helst i bladet heile året, og ikkje berre på utvalde sider til jul og påske. No reknar vi med at også neste nummer kjem etter "gammal modell", og at vi har ei ny ordning på plass etter sommarferien.

Ny distribusjon?

I dag er det posten som står for distribusjonen. Redaksjonen har arbeidd litt med tankar om andre måtar å gjere det på, ikkje mest av omsyn til økonomi, men på grunn av tid.

Slik det er no, ventar posten i sju dagar frå innlevering til distribusjonen startar, og dei reknar seg tre dagar på å gjere jobben. Dersom vi fekk ein passeleg stor gjeng av faste frivillege som tok med seg "sin" bunke så snart bladet var trykt, og køyrdे rundt til postkassene med det, ville lesarane få ferskare stoff.

Redaksjonen har teke opp saka med dei styrande lokalkyrkjeloge organ. Er du mellom dei som kan tenke deg å vere "lokal distributør" på dugnad, kan du ta kontakt med soknerådsleiaren din!

Oddvar Almenning

Kyrkjemøtet – kyrkja sitt Storting

Store saker skal drøftast og vedtakast på det Kyrkjemøtet som er i gang medan dette blir skrive. Alle bispedømeråd pluss ein del andre valde representantar møtest ei lita veke kvart år og vedtek lover og reglement for kyrkja. Mange tenkjer at dette gjeld ikkje oss, og det skjer ikkje her. Men vi får nok alle merke følgjene av det som no skjer i Tønsberg.

Staten gjev frå seg makt

Det har lenge vore kjempa for at kyrkja sjølv skal få velje sine eigne leiarar. No er tida koma. Stortinget må gjere endringar i Kyrkjelova, og årets kyrkjemøte skal vedta nye ordningar for tilsetjing av prostar og av biskopar. 30. mars i år utnemnde regjeringa dei tre

siste "statlege" prostane. Heretter blir det bispedømeråda som skal tilsetje prostar. For ein som har vore med i det viktige arbeidet å tilsetje prestar, kjenest denne siste endringa heilt naturleg og nødvendig. I Bispedømerådet diskuterte vi lokale tilhøve, kva slag prest treng denne kyrkjelyden, kven er best skikka, etc og stemde på den vi trudde ville høve best. Men når det galldt prost og biskop, måtte vi berre vente og sjå kven regjeringa ville utnemne. No skal Kyrkja sjølv overta, og det skulle berre mangle.

Ny kyrkjeordning

Vi held på med å lære oss ny liturgi, korleis gudstenesteledda er ordna, kva tekster og ord som skal brukast og

slikt. Ja, nye tonar på liturgiledda kan og bli aktuelt. Vi merkar det kvar gong vi går på gudsteneste. Men kyrkjeordning er noko anna. Det gjeld organiseringa av sokn og prestegjeld og prosti. Og bispedøme for den del! Det er svære endringar av gamle ordningar som i desse dagar er oppe til handsaming i Tønsberg. Dei som sit i sokneråda har nok måtte tenke på desse spørsmåla allereide. Og når nye ordningar er på plass, vil vi merke det alle. Akkurat som i det politiske landskapet, er det sentrale folk som snakkar om større einingar både lokalt og regionalt. Kan det hende at det blir eitt sokneråd for heile Gloppe?

Trur vi at det lokale engasjementet i Hyen eller Breim blir større dersom sakene skal vedtakast på Sandane?

Kva med dei kyrkjeloge tilsette? Skal det vere slik i framtida at prest og

FRAMHALD SIDE 7

Konfirmantopplegg som spegla livet

Frå gripande alvor til svingande lovsongsdans

Temagudsteneste om forbruk og miljø

Om lag 200 menneske samla seg til temagudsteneste i NOMIL sitt anlegg i Eidsmona søndag 15. april kl. 16.00. Konfirmantane hadde førebudd seg godt, og i eit flott samarbeid med kvarandre og med ei rekke hjelparar, gav dei oss alle ei gudsteneste med retning og meinings, og med opplevinger frå sorg og ettertanke til frimodig tru og svingande lovsong med smil og latter!

Tidleg i gudstenesta blei det sagt nokre ord til minne om Rikke Støyva, ein konfirmant som døydde av kreft i påska. Det vart fortalt om kva samlingar som har vore i Breim og på skulen i dette høvet, og det blei tent lys medan ein mintest den unge jenta med eitt minutts stille.

Ashjørn Gjengedal var liturg under gudstenesta, og han hadde vore i lag med konfirmantane om førebuingane.



*Jonas bad
for skapar-
verket.*

Difor var det aktive ungdomar med i alle ledd, med tekstlesing og bøner, og med dramatisering og dans. Tekstane vart lesne og til dels dramatiserte. Eittåring Oline Myklebust (som vi

presenterte i forrige nummer) har hjelpt til med regien. Særleg likte vi Skapingssoga som vart illustrert på fantasifull og fortrefleleg vis.

Anders Rinde hadde med seg Simon Kvile og John Benjamin Lothe på trompet og saksofon i leiinga av salmesongen, og når det skulle spelast til ofring og til utgang, overlet han instrumentet til Eirik Førde, som fekk det til å svinge.

Innleiande ord ved starten, kunnjeringane, og orientering om Mexikoaksjonen vart og framførte av konfirmantane sjølv, og som eit apropos til temaet og staden, hadde dei førebudd eit intervju med Robert frå Afrika som arbeider i NOMIL.



*Lystening til minne
om Rikke Støyva.*

Sokneprest Olaf Sigurd tala på "Gunderleg" vis og med glimt i auget om miljø, forbruk og gjenbruk. På slutten av talen nemnde han påskebodskapen vi nett er blitt minne på og frelsa i Kristus!

Teknisk sett var det lagt godt til rette med stolar, alter og prekestol, tekst på skjerm, godt lys og brukande høgtalaranlegg. Vi har fått vite at her har Paul Rune Daviknes gjort ein god innsats. Vi såg sjølv at Arne Høyland skaffa oss tekst på skjerm, og at han var til god hjelp med mikrofonbruk. Men dei som skrua god lyd på miksebordet, såg ut til å vere konfirmantar. Alt glei fint og problemfritt, og var prega av å vere gjennomtenkt og gjennomøvd.

Ikkje minst imponerande var dansesinnslaget som Solveig Husevåg og Iselin Kvernevik hadde øvd inn med ei gruppe av konfirmantane. Dansen heiter "Joyful, joyful" og er ein lovsongsdans frå filmen Sister Act II, kan Solveig fortelje. Det er ei gruppe av jenter, sjølv om gutar er velkomne. På konfirmantleiren i haust vart gruppa til, og der lærte dei denne dansen.



Med fullt trøkk og full innsats gleda dansegruppa ein full sal under tema-gudstenesta i Mona.

Sidan har dei hatt nokre øvingar av og til, der dei har øvd til denne gudstenesta og dansa ein del andre ting i tillegg. Solveig fortel at Ingvill Fagerli lærte henne denne dansen for to år sidan, då Solveig var konfirmant. Vi som såg på, gleda oss over at lovsong til Gud kan uttrykkast på mange flotte og svingande måtar!

Det var godt tilrettelagt frå NOMIL si side, og dagleg leiar Svein Ottar

Det som ingen eig, er søppel og blir kasta i Gehenna.

Eirik Førde fekk det til å svinge under ofringa og postludiet.

Sandal kunne ønskje velkomne til den første gudstenesta i dette nye søppelanlegget, og han baud kyrkjekaffi med brus og mat og påfølgjande omvising i anlegget.



Konfirmasjon i kyrkjene

Gimlestads kyrkje 6. mai

kl. 11.00

Hans-Kristin Seim Arnestad
Eli Kristin Arnestad
Sindre Arnestad
Marte Heggdal Elvebakk
Sindre Moritsgård Flatjord
Jon Even Fossheim
Jon Andreas Kornberg
Thomas Mardal
Ingrid Roset
Maiko Schrama
Julie Varpe
Silje Theres Venøy

Breim kyrkje 13. mai

kl. 11.00

Erik Bergheim
Svenn-Arne Bjørkelo
Kjersti Hjelle Eide
Jennie Agneth Falck
Eirik Förde
Anders Gåsemyr
Silje Iren Hole Hervik
June Kristin Hjelle
Simon Kvile
John Benjamin Lothe
Kjell Martin Midtkandal
Kjetil Merkesdal Nedreberg
Kristine Raad
Aina Røssland
Elisabet Sandal
Victor Olsbø Skinlo
Kjartan Joleik Solheim
Karin Støyva
Kari-Anne Ellefsbø Sørland
Niklas Våtevik
Frøydis Seime Øygard
Linda Helen Årdal

Vereide kyrkje 27. mai

kl. 10.00

Jill-Karita Aske
Anja Bakkelid
Magnus Nikolai Bolseth
Oda Eide
Mathias Fjellestad
Susann Solheim Gjerløw
Mathias Inderberg Hansen
Joakim Tystad Henden
Maria Synneve Kvamme
Knut Leirgul
Solgunn Reed Lote
Sara Helene Rønne Solås
Elin Støylen
Håvard Magnus Torvanger

Vereide kyrkje 27. mai

kl. 12.00

Siham Goitom Asefaw
Dag Simen Ryssdal Befring
Jonas Hjartholm Denk
Eirin Djupegot
Mats Solid Eide
Eivind Evebø
Andreas Lyngstad Grov
Aleksander Tennefoss Gustavsen
Julie Theresa Förde Hauge
Marius Holvik
Helene Holmøy Holvik
Kristine Ryssdalsnes Horvli
Andreas Rauset
Margit Reppen
Klemet Oppheim Rygg
Solveig Villung
Yohana Shumuye Weldomichael



Hyen kyrkje 28. mai

kl. 11.00

Jens Inge Bakketun
Heidi Eimhjellen
Guro Vonheim Heimsæter
Brita Sande Holme
Lindis Agledal Nordal
Øyvind Heimsæter Pedersen
Matias Rønneklev
Nils Armand Storsletten
Torleiv Straume
Vilde Kristin Sæther

Opp frå "reservebenken"

Konfirmantåret 2011-2012 blei annleis enn åra før. Vakanse, sjukdom og ferie i dei stillingane som steller med konfirmasjonsførebuing, gjorde det vanskeleg å få slik samanheng i undervisninga og i programmet elles som var ønskeleg.

Så kom utfordringa til denne pensjonerte presten på "reservebenken". Saman med andre tilsette, sokneråd og frivillige elles har vi prøvt å gje konfirmantane så godt utbytte som råd var i denne viktige tida i ungdomslivet. Det er eit eige fellesskap mellom konfirmantar. Slik har det alltid vore. Dei har retning mot ei lys framtid.

Dei deler mange gleder. Men det hender at dei også må dele stor sorg. Slik blei det for dette kullet då Rikke Støyva døydde. Vi skulle gjerne sjå henne i Nordlandsbunad mellom glade konfirmantar i Breimskyrkja.

Men i sorga er det lys; minnet om hennar gode smil blir ein skatt å ta med vidare livet. Visst døydde ho langfredag, men håpet Gud tente påskedag, lyser over hennar minne. Med håpet som når lenger enn til framtida, blir glede ved konfirmasjonen endå dju-

Eg er takksam for alt godt eg får oppleve med desse håperfulle ungdomane. Det er forfriskande å vere "på banen" igjen. Og så gleder eg meg over at fleire enn eg kjem opp frå "reservebenken" for å vere med i kampen for og med våre unge. Den kampen er ikkje slutt med konfirmasjonen.

Og den står om sjølvet livet, heile tida! På vegner av alle oss "reservar" og alle andre på "kyrkjelaget" ønskjer og ber eg om Guds velsigning over konfirmantane og heimane deira!

Asbjørn Gjengedal

FRAMHALD FRÅ SIDE 3

organist og gravar har den same sjefen? Det kjem til å bli endringar, men vi veit ikkje utfallet. Difor er det viktig at vi som ikkje sit i posisjonene, vel oss gode representantar i sokneråd og bispedømeråd. No kan vi ikkje skulde på staten lenger, om vi ikkje får den prosten eller biskopen vi vil ha.

Ny salmebok

Endeleg skal eit årelangt utreiingsarbeid nå til målet. Arbeidet med den nye salmeboka starta i 2004, og i 2008 var det ute til høyring ei tjukk bok ed

nye framlegg. Der var det og forslag på kva salmar som skal ut av den boka vi har i dag, og nokre av oss her i Glottenham fekk lov å meine noko om det. I år føreligg det eit komplett salmebokforslag med 900 salmar og mykke tilleggssstoff. Det er nok dei store linjene som skal vedtakast no. Likevel blir kyrkjemøtet bede om å ta stilling til to konkrete salmar, og nett når dette blir skrive får vi vite at den eine av dei er stemt ut, eller rettare sagt ikkje blir stemt inn i salmeboka. Det gjeld "Til ungommen" eller "Kringsatt av fiender" av Nordahl Grieg. Det viste seg å

FRAMHALD FRÅ SIDE 9
var på skulen, imponerte kontaktlærarane.

"Livet skal ikkje begripast, det skal gripast", seier den svenske forfatteren Gunnar Björling.

Kjære Eli og Odd, Malin, Fredrik og Nikolai. Då de fekk beskjeden om det umulege, viste de oss at det er muleg. De fokuserte på det som er her og no, – å få mest muleg ut av tida de hadde. Og den openheta de har hatt frå starten, har ikkje berre vore til uvurderleg støtte og styrke for Rikke. De har gjennom dette gjort noko så raust som å lette sorga for så mange andre. Det er vi uendelig takknemlege for.

Lateren og tårene kan gå hand i hand hos ungdomane våre, og gradvis hentar livet seg tilbake til kvardagen. Vi skal sørge, – og vi skal vidare, ta vare på, og smile over gode stunder vi hadde saman, – ikkje gløyme.

Vi står att med eit tomrom, men mykje rikare og klokare over å ha fått lov å bli kjent med Rikke.

bli ei sak som kløyvde Kyrkjemøtet i to leirar. Songen var aldri tenkt som ein salme, og den var bestilt av ein som kalla seg ateist og skriven av ein annan ateist. Frå den sida av åndslivet har det og vore uønskt at songen skulle takast med i salmeboka.

65 av dei 111 delegatane sa nei ved avstemminga den 17. april.

Korleis det gjekk med den andre salmen, som er ei hylling til heilag Olav, er ikkje kjent nett no.

Salmeboka skal vere ferdig til bruk 1. søndag i advent 2013, så no er det berre å glede seg!

Oddvar Almenning

Mísjonsbasar i Hyen gav flott overskot til Okhaldhunga sjukehus

Søndag 25. mars var det samla mykje folk i gymsalen i Hyen. Soknerådet og Normisjon hadde ansvaret for planlegginga av den store fellesbasaren. Hyen barneforeining, konfirmantane, Hyen söndagskule og Hyen-speidarane var involverte i basaren på ulike måtar. Når så mange var med, vart det bra med folk, og det gjorde at Hyen kyrkjelyd ikkje hadde problem med å oppfylle misjonsavtalen med Normisjon, som gjekk ut på at vi skulle skaffe 15 000 kr kvart år til Okhaldhunga sjukehus i Nepal. Overskotet vart på 29 710 kr. Veldig bra, og tusen takk til alle som deltok!!!

Jan Magne Moi frå Normisjon hadde ein kombinert andakt og bilde-

presentasjon frå sjukehuset i Okhaldhunga. Ein filmsnutt frå den ca. 3 timer lange vegen (stien) mellom sjukehuset og nærmeste flyplass fekk vi også sjå. Det var fottur i bratt terreng. Vi fekk sjå bilde frå kvar dagen på det enkle, men svært viktige sjukehuset for ei befolkning på 200 000 menneske, og vi såg kvifor den planlagde utbygginga er nødvendig.

På basaren sytte Bertine Aa og söndagskulen for litt musikalske innslag. Speidarane hadde ein høgtideleg oppetaksseremoni, der dei gav speidarløftet og vart opptekne som dei første speidarane i den nystarta KFUK-KFUM-speidargruppa. Konfirmantane og barneforeininga tok seg av praktiske



2.- og 3.-klassingar blir tekne opp som oppdagagar.

gjere mål som åresal og vaffelsteiking. Barneforeininga fekk inn 930 kr på vaffelsalet. Mange hadde levert inn åregevinstar, så vinnarsjansane var bra, og det er viktig når mange unge er samla. Mest spennande for dei var nok boktrekninga av den radiostyrte båten gitt av Brødrene Aa, som mange hadde overtalt foreldra til å kjøpe nokre eksstra lodd på...

Etter basaren kunne vi konkludere med at det hadde vore ein triveleg og vellukka basar for arrangørane, og også vellukka for dei som skal bygge på sjukehuset. Saman med bidrag frå andre kyrkjelydar og foreiningar håpar vi at det hjelper, og om summane ikkje er så store i helse samanheng her heime, har vi sett frå bildepresentasjonen at dette er eit sjukehus som klarar å få mykje ut av dei tilgjengelege midlane.

Anne Berit Selle



Song av söndagsskulen.

Ein konfirmant manglar

I Gloppe er det framleis slik at det meste av konfirmantundervisninga går føre seg i skuletida og på skulen, og det skaper sterkare band mellom skule og kyrkje enn det som er vanleg elles i landet. Niandeklassingane er elevane våre og konfirmantane våre. Fredag 13. april var det gravferrd for Rikke Støyva, elev i 9. klasse ved Gloppe ungdomsskule og konfirmant i Breim i mai. Våren før Rikke begynte på ungdomsskulen, fekk ho konstatert ein svulst i hjernen, ein svulst som det vår uråd å operere bort. Rikke sin lagnad og den verdigheita ho og familien viste i sjukdomstida, gjorde eit svært sterkt inntrykk på venene hennar og alle som etter kvart vart kjende med henne.

I ei fullsett Breimskyrkje la rektor ved ungdomsskulen, Ragnhild Bruvoll, og to elevar ein krans på båra til Rikke, og rektor heldt minneord om henne:

Frå klassekameratar, medelevar, foreldre og tilsette ved Gloppe ungdomsskule.

Elevane våre – ungdomane – ungane våre er det mest dyrebare vi har. Å misse ein av desse er det tyngste og vanskelegaste vi kan oppleve på skulen vår. Når slikt skjer, tek alle fram det beste i seg. Medelevane viser



Rikke Støyva. Foto: Kjersti Hjelle Eide.

den spontane, ekte omsorga som berre ein ungdom kan vise. Og ut av det meiningslause gror det noko positivt, ungdomane våre lagar uløyselige band - som Rikke har knytt i hop for dei. På den måten lever ho vidare med oss.

Rikke starta på Gloppe ungdomsskule hausten 2010. Sjølv om ho måtte vere mykje vekke p.g.a. behandling, fekk ho fort nye venner, og fann seg til rette med medelevar og tilsette. Ho var oppteken av å halde følgje med resten av klassa fagleg, og stod på for å klare dette. Ho var aktiv og engasjert i timane, likte både teori og praktiske fag. Mat og helse, Kunst & handverk var fag ho prioriterte å vere i lag med klassen i.

I heimeundervisning i matematikk sparte ho ikkje læraren;

– Skal vi ta pause no?

– Neei, vi kan ta denne oppgåva først, sa ho...

– Du er ikkje trøtt vel?

– Nei, det går bra med ei til.

Og så vart det gjerne mange oppgåver til før pausen. Læraren opplevde noko så sjeldan som å gå frå undervisninga meir trøtt enn eleven. Rikke klarte målet sitt om å halde følgje med klassen i faget med god margin.

Ho ville bli lege, og sa det var fordi ho hadde lært så mykje om dette gjennom sjukdomen. Ut av det vanskelegaste klarte ho å hente noko positivt.

Jenta med det strålande smilet, roen og motet er det som blir nemnt av medelevar og tilsette, både dei som kjende, og ikkje kjende henne. Ein vennleg medelev, med omsorg for alle, som hadde gode veneblant gutter og jenter. Motet og livsgleda kan vi alle lære av, og evna til å setje sjukdomen til side, vere 100% til stades når ho

FRAMHALD SIDE 7

"Vi møtte så mange gode og dugande menneske", seier Cato og Harald etter fem veker i prestepraksis i Gloppe. Og fra glopparar høyrest det mange lovord om desse to studenterane frå enighetsfakultetet som var fungerande vikarprestar til over påske.

Cato Engebretsen er frå Sarpsborg og han gleder seg over kor nær folket i Gloppe er knytt til kyrkja. Det viser seg både i frammøte til gudsteneste og til gravferd, og i andre samlingar som han har vore med på. Han har ikkje opplevd det slik på Austlandet. Sportsandakten på Utvikfjellet skjærtorsdag blei ei positiv overrasking. Tenk at dei stansa skitrekket og både arrangørane og folk elles samla seg til andakt!

Harald Torgersen frå Haugesund stemmer i denne rosande omtalen av folk som dei møtte. Han vil særleg minnast born og vaksne som han møtte i Hyen. Det blei god kontakt med folk i gravferd og i gudsteneste. Og det var så kjekt å vere i lag med konfirmantane! Han kosa seg òg med dei han møtte på Reedtunet, der han fekk høre gode og morosame historier frå gamle dagar i Breim.

Påska er ei travel tid for prestar med mange og ulike gudstenester, og når det i tillegg kjem dødsfall med tilhøy-

MED GUD TIL GLOPPEN



Cato Engebretsen



Harald Torgersen

gedagane var svært oppmuntrande! Og med alle gode tilbakemeldingar blei dei begge endå meir motiverte til å bli prestar.

Cato seier at han har lært mykje desse vekene. Dei personlege møta med menneske både i glede og i sorg gav han viktig erfaring med tanke på prestetenesta han snart skal inn i. Han har fått større sjølvtilt og frimod til å gå inn i oppgåvene som ventar. Om nokre veker er det eksamen, og deretter ordinasjon til tenesta som kapellan i Honningsvåg. For alt godt han har opplevd i Gloppe vil han gjerne seie hjarteleg takk! Det gjeld også dei gode svelene -.

Harald er også takksam for alt han fekk ut av desse vekene. Det blei stor variasjon i arbeidet; fullsett kyrkje med utdeling av bok til åtteåringar, sidan ungdomsgudsteneste med frisk musikk i Sandane kyrkje, så langfredag med sin djupe tone, og så høgdepunktet med "Deg være ære, Herre over dødens makt" andre påskedag i Hyen! Det er gleda med å stå i ei slik teneste som motiverer til å bli prest. Det kan aldri bli ein "jobb" som må gjera stort unna for å få mest mogeleg fritid.

Både Cato og Harald tykkjer at Gloppe må vere ein god stad å vere prest. Her er mange frivillige som gjerne hjelper med arbeid i kyrkja.

Dugande menneske og praktiske bygningar er store ressursar som gjer det kjekt å gjere presteteneste her. Om dei sjølve har andre planer for dei nærmaste åra, vil dei gjerne tale vel om Gloppe til medstuderar som er på veg ut i prestelivet. Vi må håpe det hjelper!

Asbjørn Gjengedal

BARNEØIDE



Kyrkjebladet kjem til å ha ei side for barn i kvart nummer. Innholdet kan variere, men kvar gong skal vi ha ein konkurranser der to heldige vinnarar får premie. Dei som er under 12 kan denne gongen vinne Lego, og dei som er 12 eller meir kan vinne Flaxlodd.

DEN LAME MANNEN OG JESUS

Les om denne hendinga i Johannes 5,1-15
Bruk tippekupongen og set teikn for rette svaret. Skriv alder, namn og adresse og send det til Kyrkjebladet v/ Oddvar Almenning 6823 Sandane, eller bruk oddvar@svale.no

1. Kor lenge hadde mannen vore lam?

1: 16 år X: 32 år 2: 38 år

2. Kva for ein dam ville han kome seg ut i for å bli frisk?
1: sauedammen X: Betesda-dammen
2: Siloadammen
3. På kva for slags dag hende dette?
1: ein søndag X: sabbaten 2: påskedag
4. Kor lenge gjekk det før han blei frisk?
1: ein dag X: ei vike 2: Nokre sekund
5. Kven trudde den lame det var som hadde lækt han?
1: Jesus X: øvstpresten
2: Han visste ikkje
6. Kven spurde mannen om kven som hadde lækt han?
1: Lærersveinane X: Jødane 2: Kongen
7. Jesus møtte mannen att seinare. Kvar?

1 × 2	
1	
2	
3	
4	
5	
6	
7	
8	
9	
10	

- 1: Ved dammen X: På tempellassen
- 2: Heime
8. Kva sa mannen til jødane etterpå?
1: at det var Jesus
X: at det var hemmeleg
2: at det var ein engel som rørte opp vatnet og at han sjøl kom først ut i dammen
9. Kva slags sjukdomar kunne bli lækte i dammen?
1: lamme føter X: Alle slags lamminger
2: alle slags sjukdomar
10. I kva for ein by hende dette?
1: Nasaret X: Jerusalem 2: Betlehem

Fin påskekonsert

i Gimmestad kyrkje

Vi var inviterte til konsert i Gim-
mestad kyrkje tysdag i påskeveka.

Lokale songarar skulle saman med kantor Anders Rinde framføre verk av kjende og litt mindre kjende komponistar. Dei mest kjende var Bach, Händel, Haydn og Grieg, og av dei meir ukjende kan vi nemne Andriesen og Pärt.

Men songarane kjende vi. Elisabeth Gimmestad har ved fleire høve gledd oss med fin song, og Eivind Kandal hadde somme av oss fått høyre i julekonserten i Vereidskyrkja. Vi gledd oss til å få høyre meir, og vi fekk vere med på ein flott konsert som i høg grad berika påskeveka for oss som var der. Mange levande lys og fine blomster framme i kyrkja gav ei fin ramme for musikken og oss som fekk vere til stades. Og det var mange som ville høyre. Fleire enn venta, for ikkje alle fekk program.

Konserten starta og slutta med eit Stabat mater. Anton Dvorak har skrive opningsnummeret og J. Haydn avslutningsnummeret. Tekstane i Stabat mater skildrar Maria si liding under krossfestinga av Jesus og er henta frå ei katolsk hymne frå 1200-talet, skriven på latin. Begge desse stykka vart framførte som duett. Songarane veksla på å synge duett og solo, noko som gjorde konserten variert og tiltalande. Händels Messias er slitesterk musikk,



Elisabeth Gimmestad og Eivind Kandal, saman med kantor Anders Rinde, heldt ein fin konsert i Gimmestad kyrkje tysdag i påskeveka. – Fint å få sjå dei – fint å få høyre dei! Foto: Margot Gimmestad.

og ariane og resitativa deifrå vart framført av Eivind på ein herleg måte. Den mjuke tenorstemma kom verkeleg til sin rett. Den sterke påskesalmen "Du som låg i natti seine" av Jakob Sande sette mange av oss stor pris på. Der song dei vekselvis solo og duett, og det greip oss. Etter ein orgelsolo ved Anders, vart resten av konserten framført frå koret i kyrkja. Fint å få sjå dei – fint å få høyre dei.

Både Anders, Elisabeth og Eivind fekk mange godord etter konserten.

Takk til alle tre!

J. Haydn sitt Stabat mater hadde denne teksten: "Helga moder, lär mig kjänna Jesu kval, att de må bränna Djupt sig in uti min själ."

Med helsing takksam lyttar,

Harald Aske



MIN SALME

Musikk gjør noe med oss.
Musikk kan sette oss i en spesiell stemning. Rytme, melodi og tekst smyger seg under huden på oss og er med på å understreke magiske øyeblikk, hverdagslykke, lukter, savn, sorg og glede.

Jeg har vokst opp med sang og musikk rundt meg. Mye av dette var salmer. Fra "Sangboken" på bedehuset, "Salmeboken" i kirken og ikke minst fra bestemødre som har sunget mye. I gleden, i sorgen – kan jeg finne "salmeskatter" som setter

ord på noe jeg selv ikke alltid klarer å sette ord på.

Gleden av å holde et lite barn i armene; "vi to - vi hører sammen", er vel kanskje noe av det flotteste vi kan oppleve. Barnet sin ærlige måte å møte oss og livet på er fasinerendes og god.

Salmen "Det skjer et under i verden" ble jeg kjent med da en av jentene våre skulle døpes. Den setter ord på det fantastiske i at et barn blir til, og den minner oss om at barnets ærlige møte er et godt forbilde for oss andre.

Det er kanskje når vi får ekstra nært forhold til et barn vi lettere ser Guds kjærighet, og kanskje også da vi kjenner at vi virkelig trenger en å gå til, en som passer på, en som er med og bærer barnet. Hvert barn er et lite under. Som et lite barn kan vi komme til Jesus; med sorgen og med gleden.

Jeg vil gi utfordringen videre til Margot Nesgård.

Hilsen
Anne Hugvik

DET SKJER ET UNDER I VERDEN

(T: Sause/M: Karlsen)

*Det skjer et under i verden
hver gang et barn blir til,
over det gryende livet
lyser Guds skapersmil.*

*Ingen på jorden er himlen så nær
som barnet han tar i sin favn,
som barnet han tar i sin favn.*

*Det skjer et under når barnet
møter oss hud mot hud,
øynene speiler Guds himmel,
gir oss et glimt av Gud.*

*Ingen på jorden er himlen så nær
som barnet han tar i sin favn,
som barnet han tar i sin favn.*



*Det skjer et under i kirken,
større enn verden vet.
Barnet får del i Guds rike,
svøpt i hans kjærighet.*


*Ingen på jorden er himlen så nær
som barnet han tar i sin favn,
som barnet han tar i sin favn.*

*Det skjer et under i dåpen,
her skapes liv av ord.
Barnet er størst i Guds rike
skjønt det er minst på jord.*

*Ingen på jorden er himlen så nær
som barnet han tar i sin favn,
som barnet han tar i sin favn.*

*Så la oss synge i glede,
nå er Guds Ånd oss sendt,
vannet blir kilden til livet,
her har et under hendt.*

*Ingen på jorden er himlen så nær
som barnet han tar i sin favn,
som barnet han tar i sin favn.*



DØYPTE

Sandane kyrkje

- 5.4. Arthur Gregor
Fadrar : Sylke Høhn, Heiko Høhn, Christina Kanai, Janos Kanai.

Breim kyrkje

- 8.4. Viljar Totland
Fadrar: Jannice Egge, Janne Therese Nes, Makin Totland Merkesdal, Christina Maria Svendsson.
- 8.4. Karoline Festervoll Bolstad
Fadrar: Solgunn Sårheim Brakestad, Jon Elling Clementsen, Randi Helle Bolstad, Randi Festervoll, Tom Erik Myrum.
- 8.4. Thea Sårheim Brakestad
Fadrar : Vegar Sårheim, Elin K. Bergheim, Victoria Gauksrud, Therese Brakestad, Geir Kennet Ulvik.
- 8.4. Markus Førde
Fadrar : Eivind Eide, Arne Førde, Knut Førde, Unn Solheim.

Vereide kyrkje

- 8.4. Ariana Hjelle Engeland
Fadrar : Andrea Kandal, Karoline Hessevik Sandal, Tonje Elisabeth Rye, Marianne Engeland, Stian Johansen.
- 8.4. Erik Silberhorn
Fadrar: Cecilie Blakstad Eikenes, Elise Heien Hansen, May Britt Sægrov, Roger Aa

Djupvik, Runar Eikenes,
Sigrid Heien Hansen.

- 8.4. Johannes Blakstad Eikenes
Fadrar: Carl-Jørgen Blakstad, Maria og Marko Silberhorn, Mathias Eikenes.

- 8.4. Henrik Oppheim Andenes
Fadrar: Arild Fjellestad Tystad, Even Rønnekleiv, Karoline Førde Oppheim, Liv Jorun Andenes, Simon Friis Mortensen, Synne Marie Oppheim.

- 8.4. Sigrid Skaaden Tangerås
Fadrar: Bjarte Skaaden, Synnøve Grane Skaaden, Tove Kambo Tangerås.

- 8.4. Oline Reikvam
Fadrar: Øystein Reikvam, Jan Thore Guren, Bjørn Ødven, Monica Kjosavik, Maria Silberhorn.

Gimmestad kyrkje

- 9.4. Martine Nordvik-Svarstad
Fadrar: Håvard Nordvik, Beate Dybendal Nordvik, Ståle Fitje, Janne-Kristin Svarstad, Anette Svarstad Nygård, Aud Kamilla Sivertsen.

Hyen kyrkje

- 9.4. Maren Elise Sæten
Fadrar: Elise Merete Eimhjellen, Ernst Kvællestad, Magnar Sæten, Gro Elisabeth Sæten.

JORDFESTE

Vereide

- 10.4. Eldbjørg Rye f. 02.06.1926
16.4. Anna Hauge f. 23.01.1925

Breim

- 6.4. Rikke Støyva f. 07.05.1997

Gimmestad

- 31.3. Knut Ansgar Sande f. 01.05.1926
6.4. Anna Fitje f. 26.04.1910

Hyen

- 23.3. Rakel Osmundnes f. 04.11.1917
28.3. Anna Martina Hjelle f. 21.04.1912

"Opa kyrkje"

onsdag 23. mai i Sandane kyrkje

Kl 20.00 er kyrkja opa for stille og bøn. Kl 20.30 orgelmusikk (ca. 15 min.), deretter kveldsbøn.

Fram til kveldsbøna kan ein "berre vere" der ein sit, lese i sin eigen Bibel eller i salmebøker som er til utlån. Ein kan gå til ulike stasjonar i kyrkjerommet: tenne lys og be ei stille bøn for menneske eller situasjoner ein tenkjer på, eller for seg sjølv; legge ein Stein på eit bønealter, som ei hjelptil å legge frå seg noko tungt ein ber på; skrive bønneemne og legge i ei bønekrukke. Det er også høve til å be om personleg forbøn. Under kveldsbøna blir det salmesong, tekstlesing, liturgiske songar og bøner. Ein kan delta på heile, eller delar av, denne kveldssamlinga. Dette blir siste "opa kyrkje" i vårsemesteret.

Bente Kårstad, Kari Eikenes Vengen, Anders Rinde og Britt Randi Heggheim har ansvaret for "Opa kyrkje".

"Det er godt å vere stille og vente på hjelp fra Herren", klagesongen 3,26

Diakonimedarbeidaren i Gloppe

KYRKJEBLAD FOR GLOPPEN PRESTEGJELD

*Utgjeve av sokneråda i Vereide,
Breim, Gimmestad og Hyen.*

Kjem ut 7 gonger i året
på Sandane.
Betingal etter ønskje.

Redaktør:
Oddvar Almenning

Redaksjon:
Einar Gimmestad,
Anne Berit Selle, Jorunn Eikenes,
Jostein Flølo, Anders Rinde,
Olaf Sig. Gundersen

Layout:
Odd Hansen

Kasserar:
Inger Almenning,
Bankgiro 3705.04.71307



Heimesida finn du på:
www.gloppen.kyrkja.no

GLOPPEN PRESTEGJELD

VEREIDE SOKN

Formann i soknerådet:
Lars Bjarte Osland
Vereide kyrkje, tlf. 57 86 93 06.
Kyrkjeterar: Benny Aasen,
mobil 950 22 917

BREIM SOKN

Formann i soknerådet:
Venke Raad Larsen, tlf. 994 95 860.
Kyrkjeterar: Bernt Reed,
mobil 959 72 107

GIMMESTAD SOKN

Formann i soknerådet:
Aase Ryssdal Sæther,
mobil: 911 07 329
Kyrkjeterar: Benny Asen,
mobil 950 22 917.

HYEN SOKN

Formann i soknerådet:
Liv Øygard Solheim,
tlf. 57 86 96 59 / 958 61820.
Kyrkjeterar: Ola Jan Birkeland,
tlf. 57 86 98 32, mobil 975 91 747

GLOPPEN PRESTEGJELD

Sokneprest i Gloppen

Olaf Sigurd Gundersen,
Vereide, 6823 Sandane.
Tlf. 57 86 93 85. Mobil 951 36 059.
Tlf. 57 86 96 93.
osgunder@online.no
Prestkontoret er ope heile veka.

Fungerande sokneprest i Breim og Gimmestad

Sigurd Vengen
Mobil: 480 96 093
sigurd.vengen@gmail.com

Kyrkjeverje:

Kurt Djupvik
Kontor i Arbeidskyrkja
Tlf kontor: 57 86 56 16
Mobil: 902 06 828. Fax 57 86 56 47
gkf@ventelo.net

Diakonimedarbeidar i Gloppen:

Britt Randi Heggheim.
Kontor i Arbeidskyrkja.
Mobil: 90847592
bri-rh@online.no

Kantor:

Anders Rinde,
tlf. 57 86 71 44, mobil 997 20 238.
anders.rinde@gmail.com

Gravar/ kyrkjegardsarbeidar:

Ivar Hjelle, tlf. 57 86 58 59,
mobil 970 76 668.

Kyrkjekontoret i Sandane kyrkje:

Opningstid: Tysdag - onsdag - torsdag.
Alle dagar kl. 10.00–14.00.
Tlf. 57 86 56 16.
Elles etter nærmare avtale.
Sokneprest Olav Sigurd Gundersen,
tlf. 951 36 059
osgunder@online.no
Vikarprest: Sigurd Vengen,
tlf. 480 96 093
sigurd.vengen@gmail.com

GJEVARTESTA

Vil du vere med å sikre trusopplærringa og diakoniarbeidet i Gloppen?

Takk for gåva du vil gje!

Send den til:

3710.30.12989 alternativ
6557.55.00301

Gloppen kyrjelege fellesråd
Sokneråda i
Breim, Gimmestad, Hyen, Vereide

*Takk til alle som er med
i gjevertenesta!*

INFORMASJON

Vi møtest i kyrkja

Lat oss ikke halde oss borte når kyrkjelyden vår samlast, som somme plar gjera, men lat oss setja mot i kvarandre.» (Hebr. 10)

06.05	5.s.i påsketida Luk. 13, 18-21	kl. 11.00 VEREIDE kl. 11.00 GIMMESTAD	Høgmesse. Olaf Sig. Gundersen. Samtale m/konfirmantane. Offer: Kirkens resurssenter mot vold og seksuelle overgrep. Konfirmasjon. Asbjørn Gjengedal. Offer: Kyrkjelydsarbeidet.
13.05	6.s. i påsketida Matt. 7,7-12	kl. 11.00 BREIM kl. 11.00 HYEN	Konfirmasjon. Sigurd Vengen. Offer: Kyrkjelydsarbeidet. Høgmesse. Olaf. Sig. Gundersen. Samtale m/konfirmantane. Offer: Åpne dører.
17.05	Grunnlovsdag Matt. 22,17-19	kl.10.15 HYEN kl.11.00 BREIM kl.12.30 VEREIDE kl.15.30 g. GIMMESTAD	Festgudsteneste. Olaf Sig. Gundersen. Offer: Kirkens SOS. Festgudsteneste. Asbjørn Gjengedal. Breimskoret. Offer: Redd barna. Festgudsteneste. Olaf Sig. Gundersen. Vereide kyrkjekor. Offer: KFUK/M speidarane. Festgudsteneste. Olaf. Sig. Gundersen. Rygg songlag.
20.05	Sønd. før pinse Joh 3,16-21	kl.11.00 VEREIDE	Høgmesse. Sig. Vengen. Nattverd.
23.05	onsdag	kl.20.00 SANDANE	Opa kyrkje. Orgelmusikk og kveldsbøn kl. 20.30.
27.05	1. pinsedag Joh 14,15-21	kl.10.00 VEREIDE kl.12.00 VEREIDE kl. 11.00 BREIM	Konfirmasjon. Olaf Sig. Gundersen. Konfirmasjon. Olaf Sig. Gundersen. Offer til kyrkjelydsarb. ved begge gudstenestene. Høgmesse. Sig. Vengen. Nattverd. Offer: Menighetsfakultetet.
28.05	2. pinsedag Joh 14,15-21	kl. 11.00 HYEN kl.11.00 GIMMESTAD	Konfirmasjon. Olaf Sig. Gundersen. Offer: Kyrkjelydsarbeidet. Høgmesse. Sig. Vengen. Nattverd. Offer: Misjonsprosjektet.
03.06	Treeiningssøndag Matt. 28, 16-20	kl.15.00 SANDANE	Fellesgudsteneste for Vereide og Gimmestad sokn. Eldre særleg innbedne. Olaf Sig. Gundersen. Musikk v/John Oddvar Kandal. Offer: Diakoniarbeidet.
10.06	2.s.i treeiningstida Matt. 3, 11-12	kl.11.00 GIMMESTAD kl.16.00 HYEN	Høgmesse. Sigurd Vengen. Offer: Sjømannsmisjonen/Norsk kyrkje i utlandet. Familiegudsteneste. Olaf Sig. Gundersen. Offer: IKO. Nattverd.
17.06	3.s. i treeiningstida Joh 1,35-51	kl.11.00 BREIM	Høgmesse. Olaf Sig. Gundersen. Eldre særleg innbedne. Nattverd. Offer: Diakoniarbeidet.
23.06	Jonsokaftan Matt 11,7-14	kl.18.00 g. GIMMESTAD	Gudsteneste. Olaf Sig.Gundersen.
24.06	4.s i treeiningstida Matt 16,24-27	kl.11.00 VEREIDE	Høgmesse. Sig. Vengen. Nattverd.